

放紀寺奴益人等七十六人從良、

〔續日本紀二十八稱德〕神護景雲元年三月癸亥放奴息麻呂賜姓殖粟連、婢清賣、賜姓忍坂、

〔續日本紀三十一光仁〕寶龜二年五月戊申、近衛勳六等藥師寺奴百足、賜姓三島部、

〔續日本紀三十二光仁〕寶龜四年七月庚寅、詔免從四位下紀益人為庶人、賜姓田後部、又去寶字八年放免、

紀寺賤七十五人、依舊為寺奴婢、但益人一身者、特從良人、

〔日本後紀八桓武〕延曆十八年四月丁丑、故正五位下上毛野朝臣稻人賤宅敷女男二人、賜姓物部、

〔日本後紀二十四嵯峨〕弘仁五年十二月癸卯朔、勅歸降夷俘、前後有數、仍量便宜安置、官司百姓、不稱彼姓名、而常號夷俘、既馴、皇化深以為耻、宜早告知、莫號夷俘、自今以後、隨官位稱之、若無官位、即稱姓名、

〔續日本紀五元明〕和銅三年四月辛丑、陸奧蝦夷等、請賜君姓、同於編戶、許之、

〔續日本紀四十桓武〕延曆九年五月庚午、陸奧國言、遠田郡大領外正八位上勳八等遠田公押人欸云、己既洗濁俗、更欽清化、志同內民、風仰華土、然猶未免田夷之姓、永貽子孫之耻、伏望一同民例、欲改夷姓、於是賜姓遠田臣、

〔日本後紀十二桓武〕延曆廿四年三月乙亥、播磨國夷第二等去返公島子、賜姓浦上臣、

〔日本後紀二十二嵯峨〕弘仁三年九月戊午、陸奧國遠田郡人勳七等竹城公金弓等三百九十六人言、己等未脫田夷之姓、永貽子孫之耻、伏請改本姓為公民、被停給祿、永奉課役者、勅可、○中仍賜勳七等竹城

公金弓、勳八等黑田竹城公繼足、勳九等白石公真山等男女一百廿二人、陸奧磐井臣、

〔續日本後紀十三仁明〕承和十年二月甲戌、播磨國飾磨郡人散位正七位下叫綿麻呂、賜姓春永連、元夷種也、

〔續日本紀十二聖武〕天平九年十一月壬辰、宴群臣於中宮、散位正六位上大倭忌寸小東人、大外記從六位

下大倭忌寸水守二人、賜姓宿禰、自餘族人連姓、為有神宣也、

神宣賜姓

夷人賜姓